



Acta provisional del Plenu ordinariu **Conseyu d'Estudiantes Universidá d'Uviéu**

- **Llugar:**
 - Escuela Téunica Superior d'Inxenieros de Mines d'Uviéu.
Despachos del Conseyu d'Estudiantes. 2ª Planta

- **Día y Hora:**
 - Xueves 10 payares
 - Primera convocatoria 17.30 hores
 - Segunda convocatoria 18.00 hores

- **Asistentes:**

Facultá de Derechu

Adrián Arias Mieres

Facultá de Psicoloxía

Aroa Gutiérrez Marín

Diana Jäkel Riera

Facultá de Formación del Profesoráu y Educación

Aridane Cuevas Rodríguez

Santiago Fano Méndez

Facultá de Medicina y Ciencies de la Salú

Francisco Trapiello Valbuena

Aida Elisa Pérez Jiménez

Rubén Rosón Fernández

Escuela d'Inxeniería Informática

Jorge Cabal Amieva

Facultá de Bioloxía

Héctor Piernavieja Cachero

África Raposo Moreno

E.S. Marina Civil

Aitor Rocha García

Escuela Politéunica de Mieres

Alejandro Mier Rodríguez

Facultá de Química

Alberto Robles Muñoz

José María Munuera Fernández

- **Darréu d'algamar el quórum necesariu, entama'l plenu en segunda convocatoria a les 12:00 hores col siguiente ORDE DEL DÍA:**

1- Aprobación del Acta del Plenu con fecha 4 d'ochobre

Apruébase l'acta por unanimidá.

2- Propuesta de sofitu a la presentación del MSEPA (Movimientu Social pola Escuela Pública n'Asturias)

Santiago Fano espón l'actu de presentación del MSEPA que va celebrase'l 16 de payares a les 18:00 hores, col sofitu del Conseyu d'Estudiantes y empobináu pola Comisión de Cultura. Apruébase la celebración del actu col conteníu que va darréu:

- Actu de presentación del MSEPA.
- Ponencia del profesor Enrique Javier Díez (Universidá de Lleón): "Globalización y educación pública".
- Mesa redonda col ponente, representantes del MSEPA y representantes de les Asamblees d'Estudiantes de la Universidá d'Uviéu, embaxo'l títulu "Privatización: Amenaces y horizontes de la educación pública n'Asturias".

Escuéyese a Rubén Rosón como representante del Conseyu pa participar na mesa redonda del actu.

Santiago Fano sal escoyíu como moderador del actu.

3- Informe sobre l'Encuentru Universitariu en Sevilla

Rubén Rosón y Héctor Piernaveja, asistentes al Alcuentru Universitariu Sevilla 2011, esponen l'informe del viaxe (axuntu, ver ANEXU 1).

Del alcuentru surde un Informe d'Análisis, fechu polos organizadores y participantes, que va llevase a cada delegación.

Adrián Arias espón el so trabayu na actualización del informe.

Héctor Piernaveja lee los puntos del manifiestu que va crease y que nel so momentu habrá d'aprobase o non.

Rubén Rosón presenta la propuesta, elevada y aprobada nel Alcuentru, respeuto a la celebración del próximu Alcuentru Universitariu n'Uviéu. Apruébase por unanimidá.

4- Revisión del trayu fechu poles Comisiones

COMISIÓN DE CULTURA

África Raposo como vocera de la comisión espón:

- La investigación per parte de la comisión de les lligues deportives ente Facultaes, que puen suponer 1 crédito nel currículum de los y les estudiantes. Dende la comisión considérase importante promoveles.
- El sofitu a les activaes de dalgunes Asamblees de Facultá, con exemplos como la esposición fotográfica en Formación del Profesoráu y Educación ("El Negociu de les Armes", Alejandro Zapico, ONG DASS) o la charra sobre participación estudiantil en Biología.
- Creación del modelu de solicitú p'ayudes na organización d'actividaes socioculturales y deportives (ANEXU 2).
- Actu de presentación del MSEPA, espuestu nel puntu 2 del orde del día.
- Espónse la necesidá de crear una subcomisión de redes sociales y web, dependiente de la Comisión de Cultura, y formada por Rubén Rosón, Héctor Piernavieja, Diana Jäkel y Santiago Fano. Acéutase al nun causar desestructuración dala del organigrama de trayu nes cuatro comisiones del Conseyu. La Comisión de Cultura cree necesaria una nueva Web del CdE, más abierta y accesible, y propón idees respeto al so diseñu, estructura y conteníos. Apruébase treslladar estes propuestes a la nueva becaria d'Informática del Conseyu d'Estudiantes.
- Santiago Fano propón el cambéu d'imaxe del Conseyu, anovando'l so logotipu., y presenta un diseñu. Apruébase por unanimidá'l logotipu propuestu.
- Asinamesmo, adelántrase'l trayu que se ta faciendo pa la organización de la Selmana de la Cultura en marzu.

COMISIÓN D'ESTUDIANTES Y REGLAMENTOS

Francisco Trapiello, como voceru de la comisión, espón:

- La necesidá de dar a conocer la figura del Conseyu a aquelles asamblees nes qu'hasta agora nun hebo contactu dende esti órganu. La vía más direuta diba ser contactar colos miembros del Conseyu que representen a estes facultaes. Arriendes d'entamar contactos con otros estudiantes más accesibles ya interesaos, daqué fecho yá nos campus d'El Milán, Mieres y Xixón.
- Propuesta de dos formularios, unu se suxerencies y otru de reclamaciones, p'apurir a cada delegación (ANEXOS 3 y 4).

- Propuesta de creación de cartafueyu informativu pa dar a conocer la figura del Conseyu d'Estudiantes.
- Esposición del trabayu na modificación de reglamentos.
- Necesidá d'apurir material a les delegaciones que lo necesiten.
- La Comisión amuesa la so intención d'entamar unes Xornaes de Participación Estudiantil pa esti cursu académicu.

COMISIÓN DE COOPERACIÓN Y ACTIVISMU SOCIAL

Rubén Rosón espón l'actu organizáu dende la comisión, xunto a l'Asamblea d'Estudiantes de Medicina d'Uviéu, pal 11 de payares. L'actu consistirá nuna charra sobre desarrollu comunitariu y cooperación internacional n'India, averando a los asistentes a la esperiencia del Institute Indian Mother & Child (IIMC), cola participación de:

- Dr. Sujit Kumar Brahmochary, Presidente del Institute Indian Mother & Child (IIMC).
- Dr. José Muriana, Coordinador de l'Asociación Amigos del IIMC España.

Tres d'esta esposición, Diana Jäkel lleve l'acta (ANEXO 5) de la única reunión celebrada por esta comisión, na que se fiten unes llinies clares d'actuación, arriendes de recordar lo necesario del contautu, per parte de la Comisión, cola AECC, tras el so interés por actuar en comuña.

COMISIÓN DE NORMALIZACIÓN LLINGÜÍSTICA

Santiago Fano espón la necesidá de contautar con asesores pa esta comisión, como profesores, estudiantes, coleutivos pola normalización d'esta llingua, etc. Apruébase esta posibilidá. Amás, sorraya'l caráuter tresversal de la comisión.

5- Aprobación del aprovisionamientu a delegaciones que soliciten material

Los y les representantes de delles facultaes presenten un informe nel que s'especifiquen les necesidaes de les sos delegaciones. Bioloxía, Química y Psicoloxía presenten los sos requerimientos que van ser valoraos.

Medicina, Formación del Profesoráu y Educación y Derechu confirmen la presentación d'un informe nel futuru, nel qu'amosarán les sos necesidaes.

Rubén Rosón espón la so intención de facer un pidíu ampliu de material funxible d'oficina, que va repartise per toles delegaciones.

6- Ruegos y entruques

Adrián Arias, de Derechu, espón la necesidá d'estudiar los reglamentos pa tomar midíes inmediantes escontra los miembros del Conseyu que nun participen nel órganu nun tiempu determináu, y asina entamar a unviar cartes d'avisu nes que s'especifique la so situación. Apruébase la propuesta.

Alejandro Mier, de la Politécnica de Mieres, como miembru del Conseyu de Gobiernu, espón la problemática actual colos créditos de llibre configuración que nos años vinientes van vese amenorgaos por mor del desaniciu del plan antiguu, pudiendo nun cubrir la demanda de los y les estudiantes. Créese oportuno, como representantes d'estudiantes, nun descuidar l'asuntu y tar sollertes énte cualquier aniciu de perxuiciu escontra los y les estudiantes.

D'igual miente, presenta la controversia producida na Comisión d'Investigación del Conseyu de Gobiernu na qu'una alumna tuvo beca pa la so tesis doctoral, ensin llegar a desenvolver la mesma. La opinión de los presentes ye que, si nos reglamentos nun se reflexa, nun hai razón pa sofitar el pidimientu de l'alumna.

Santiago Fano, de Formación del Profesoráu y Educación, fala del cambéu de composición del Conseyu Social de la Universidá d'Uviéu, cola incorporación de Duro Felguera, el Grupu Masaveu, la Caxa Rural d'Asturies y el Patronatu de la Fundación Príncipe d'Asturies. Valórense estes incorporaciones d'entidaes empresariales nel órganu máximu de la Universidá –y l'ausencia de coleutivos de calter social, públicu y tresversal– como un síntoma de deriva mercantilista preocupante nuna Universidá Pública y nun órganu que decide aspeutos tan importantes pal alumnáu como'l Réxime de Permanencia. El Conseyu alcuerta pronunciase.

Amás, espónse la polémica d'anguaño respeuto al proyeutu del Gobiernu de Foro Asturies y el so proyeutu de crear una Universidá Politéunica privada en Xixón.

Apruébase tar sollertes y pronunciase como Conseyu d'Estudiantes énte posibles avances nesti tipu de polítiques dientro'l Conseyu Social, asina como na aprobación d'una nueva Llei d'Universidaes.